

Atvinnuvega- og nýsköpunarráðun
Skúlagötu 4
101 Reykjavík

Hornafirði, 9. október 2020
nr. erindis 202009089 MÁ

Málefni: Umsögn Sveitarfélagsins Hornafjarðar um frumvarp til laga um opinberan stuðning við nýsköpun

Sveitarfélagið Hornafjörður fagnar markmiði frumvarpsins um eflingu opinbers stuðnings við nýsköpun með áherslu á aukin framlög til nýsköpunar á landsbyggðinni sem og áformum um sterkari umgjörð fyrir starfsemi starfrænna smiðja (FabLab). Bæjarráð telur að útfæra eigi þeim stuðningi í góðu samráði við sveitarfélög og þekkingarsamfélög á hverju svæði fyrir sig.

Í Sveitarfélaginu Hornafirði hefur skapast löng hefð fyrir klasasamstarfi í tengslum við nýsköpun, menntun, rannsóknir á háskólastigi, FabLab, náttúruvannsóknir og náttúruvernd og matvælaþróun svo dæmi sé tekið. Húsnæðið Nýheimar og Nýheimar Þekkingasetur er samnefni þessara þátta starfseminnar. Fyrir nokkrum árum var Nýsköpunarmiðstöð með starfsmann sem staðsettur var í Nýheimum og einnig var starfsmaður frá Matis. Á þeim tíma byggðust upp spennandi verkefni í matvælaframleiðslu og nýsköpun af ýmsu tagi. Þessi stöðugildi hafa verið lögð niður. Með nýju frumvarpi um Nýsköpunargarða og tillögur um aukin framlög til nýsköpunar á landsbyggðinni skapast tækifæri til að efla byggðarþróun og stuðla að sjálfbærni sveitarfélaga ásamt því að uppfylla markmið ríkisstjórnar um að fjölga störfum án staðsetninga.


Mikilvægt er að horfa til FabLab smiðja líkt og kemur fram í greinargerð frumvarpsins. FabLab/starfrænar smiðjur eru reknar með mjög misjöfnum hætti vítt um landið og mikilvægt er að horfa til þeirra rekstrarforma sem reynast best og tengja smiðjurnar við atvinnulíf ekki síður en menntastofnanir. Óskað er eftir samtali við sveitarfélögin um útfærslu þeirra af hálfu hins opinbera.

Sveitarfélagið Hornafjörður tekur undir umsögn Samtaka Þekkingarsetra þar sem lagt er til að lagatexti frumvarpsins birti metnaðarfull markmið frumvarpsins um eflingu innviða nýsköpunar og frumkvöðlastuðnings í byggðum landsins. Samtök þekkingarsetra hafa þegar lagt til með formlegum hætti að horft verði með beinum hætti til þekkingarsetranna þegar kemur að eflingu innviða nýsköpunar á landsbyggðinni. Í því ljósi telja samtökin brýnt að löggjöfin styðji við framkvæmd þess.

Mikið efni og þekking hefur safnast hjá Nýsköpunarmiðstöð, mikilvægt er að tryggja að allt efni sem finna má á heimasíðu hennar verði aðgengilegt í kjölfar þess að stofnunin leggst af.

Sveitarfélagið Hornafjörður óskar með umsögn þessari eftir samtali við atvinnu- og nýsköpunarráðuneytið og einnig menntamálaráðuneyti um málefni tengd nýsköpun, FabLab smiðja og þeim málefnum er tengjast frumvarpi þessu og greinargerð og ekki síst hvað varðar flutning verkefna og fjármagns út á landsbyggðina.

Virðingarfyllt



Matthildur Ásmundardóttir
bæjarstjóri
Sveitarfélagsins Hornafjarðar

